

茅庵水繞竹籬邊
仙友同居講妙玄
猿馬見前牢固鎖
自然肘後有靈篇

次高教授韻

清淨始知塵外境
無爲方免死生催
人間萬事都拋卻
笑指雲山歸去來

太平劉大師索和其韻九首

勸君日夜細思量
絕盡諸緣沒禍殃
斡轉玄關離世網
同歸蓬島禮重陽

修行別沒妙和玄
守一忘形絕愛緣
對境無心真了了
倒騎白鹿上瑤天

道藏輯要

西雲集

三

易集七
川上文

萬里無雲萬里天
心休不論妙和玄
靈臺澄徹真空體
應物猶如寶鑑懸

白雲斷處見青天
黑霧收時性月圓
此理若人還會得
虛無妙體自周全

天道盈虛日月旋
人心無垢亦如然
醍醐半飲昇霄漢
玉韻聲喧慶大年

浮囂舍盡道窮研
物我俱忘始悟玄
撒手長空清淨體
光輝直過斗牛邊

圖榮畢竟終防辱
謀假情知卻喪真
此箇機關還會得
無縈繫度殘春